



## Publicaziuns officialas dils 22-11-2019

---

### Damonda da baghegiar

Nr. 113.1/2018                      midada da project  
Datum da publicaziun:        22-11-2019  
Patrun:                                Parigger Marc, 8625 Gossau  
Representant:                    Tarcisi Maissen SA, 7166 Trun  
Liug e parcelas:                Aclas; 4290  
Object:                                divesas midadas dalla sanaziun interna, niev conduct d'aua  
sfundrada, niev liug per boiler ed accu, nova lingia d'aua, niev tanc  
per aua tschuffa

Il profils ein tschentai ed ils plans da construcziun ein deponi tier la canzlia commu-nala.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da  
baghegiar Sumvitg enteifer 20 dis dapi il datum da publicaziun.

Sumvitg, 22-11-2019

*Cumissiun da baghegiar*

### Clom da quens

Il quen communal vegn serraus cun ils 31 da december 2019. Per saver risguardar las  
expensas fatgas uonn el quen da gudogn e sperdita ein tut quels che han aunc dabiens viers  
la vischnaunca supplicai da dar quen sil pli tard entochen ils 13 da december 2019. Nus  
supplichein tuttas fatschentas sco era ils officials da vischnaunca d'observar quei termin.

Sumvitg, 22-11-2019

*Suprastonza communal*

### Uffeci civil Surselva

#### Naschientscha

**Degonda Franco**, naschius ils 02-11-2019 a Cuera, affon da Andriu Degonda e Sereina  
Livers, sesents a Sumvitg.

Sumvitg, 22-11-2019

*Controlla da habitonts*

## Deponia da verd

**Sonda, ils 30 da november** ei per uonn il davos di da menaschi dalla deponia da verd ad Igriu. Entochen lu ei ella aviarta sco suonda:

- **mardis: 16.00 – 18.00 uras**
- **gievgia: 16.00 – 18.00 uras**
- **sonda: 09.00 – 12.00 uras**

Per dar alla populaziun era duront igl unviern la pusseivladad da dismetter pigns quatoms da curdems verds eis ei vegniu construï in access che meina dad ina scala si sin ina plattaforma. Naven da leu haveis Vus la pusseivladad da better giuaden ils curdems verds. Igl access ei signalisau. Tenor situaziun da neiv ei igl access mintgamai rumius dalla neiv il mardis suentermiezdi e la gievgia suentermiezdi.

Nus supplichein da dismetter mo uorden che s'auda els curdems verds!

Ulteriuras informaziuns ein disponiblas sin la pagina d'internet [www.sumvitg.ch](http://www.sumvitg.ch). Per damondas stat l'administraziun communal 081 920 25 00 bugen a Vossa disposiziun.

Sumvitg, 22-11-2019

*Departament ambient*

## Pignola d'Advent e da Nadal

L'administraziun forestala recamonda da retrer il pigniel da Nadal al singul vischin sco suonda: En ils vischinadis nua ch'ils pigneuls vegnan pinai entras l'unien da giuventetgna supplichein da retrer leu il pigniel da Nadal.

Al vischin che vul pinar sez il pigniel (lubiu ei da pinar mo pégn) eis ei lubiu da pinar tal sin territori communal. Ei vegn denton recumandau da pinar sin terren da pastiras surcarschidas. Scumandau eisi da pinar en plontaziuns, uauls da schurmetg e curtins da schurmetg encunter selvaschinas. En uauls privats eisi scumandau da pinar pignola senza ina lubientscha dil possessur d'ual.

Nus recumandein era da pinar mo in pigniel e quel prender a casa e buca schar scher entuorn e forsa pinar dus auters.

Per tgi che vul retrer il pigniel dalla vischnaunca valan suandonts termin d'empustaziun:

- **Pignola d'Advent entochen gievgia, ils 14 da november**
- **Pignola da Nadal entochen mardis, ils 10 da december**

Las empustaziuns ein da far tier la **canzlia communal (tel. 081 920 25 00)**. La gronda part dalla pignola vegn retratga ord ina scola da plontinas. La pignola vegn taxada sco suonda (prezis excl. tpv.):

grondezia	prezi/toc	
-	< 199 cm	frs. 25.-
-	200-299 cm	frs. 30-
-	300 cm	frs. 35.-
-	325 cm	frs. 45.-
-	350 cm	frs. 60-
-	400 cm	frs. 85.-

**Per il schurmetg digl uaul recumandein a scadin da pinar il pigniel da Nadal cun precauziun e senn da responsabladad. Cunterfatgs vegnan punidas tenor il regulativ forestal.**

Sumvitg, november 2019

*Uffeci forestal Sumvitg*

## **Donaziun fundaziun Greina**

Sebasond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen ils **30 da november 2019** digl onn precedent cul formular correspondent tier l'administraziun communal. Nus supplichein per notizia da quest avis.

Sumvitg, 22-11-2019

*Cumissiun Greina*

## **Vischinadi Rabiun ed Uniuns reunidas Rabiun**

### **Invitaziun**

alla radunonza da fundaziun per in e scadin convischin per ina nova Uniun Rabiun...!  
Venderdis, ils 22 da november 2019 allas 20.00 ell'aula dalla casa da scola Rabiun

### **Tractandas:**

#### **A) Nova Uniun Rabiun.....**

1. Beinvegni ed appel
2. Elecziun da dumbravuschs
3. Dilucidaziun dalla radunonza (fusiun vischinadi ed uniuns reunidas)
4. Num dall'uniun e niev logo
5. Approbaziun dils novs statuts
6. Elecziuns:
  - a) president
  - b) actuar/vicepresident
  - c) cassier
  - d) dus assessurs
  - e) dus revisurs da quen
  - f) in survegilader da material
7. Fixar las contribuziuns annualas
8. Program da lavur
9. Varia

#### **B) Vischinadi Rabiun**

10. Prelecziun ed approbaziun dil protocol rg 5-3-2019
11. Rendaquen 2019, rapport dils revisurs ed approbaziun
12. Dissoluziun dil vischinadi e surdada dalla bilanza

#### **C) Uniuns reunidas Rabiun**

13. Prelecziun ed approbaziun dil protocol rg 27-6-2018
14. Rendaquen 2019, rapport dils revisurs ed approbaziun
15. Dissoluziun dallas uniuns reunidas e surdada dalla bilanza

Dil sboz dils novs statuts sa vegnir priu investa sin la pagina d'internet [www.rabiun.ch](http://www.rabiun.ch) ni che quel sa vegnir empustaus tier Linus Maissen, 081 943 10 16. Nus sperein sin stedia participaziun e fagein in cordial beinvegni. *Per il vischinadi ed Uniuns reunidas Rabiun, La suprastonza*

## **Uniun da dunnas Sumvitg/Cumpadials**

### **Sentupada d'advent 60+**

Sco usitau envidein nus tei alla sentupada d'advent che ha liug **venderdis, ils 29 da november 2019**, allas 13.30 en sala dalla casa da scola a Sumvitg. Bugen spetgel jeu tia annunzia entochen mardis, ils 26 da november 2019. Anita Degonda, 079 538 13 24 ni 081 943 26 89. Nus selegrein da passentar enzacontas uras da cumpignia cun tei. La suprastonza

## SumvitgViva

### Sera d'advent sin plaz Cadruvi a Sumvitg

**Ils 29 da november 2019** allas 19.30 ha liug a Sumvitg sin plaz Cadruvi ina sera d'advent per in e scadin. Ei vegn purschiu in pign program da divertiment, punsch, vin cauld e piziulta per pign e grond. Secapescha vegnin nus era uonn a surdar ad enzatgi la «Steila da Sumvitg». Nus selegrein sin Vossa viseta! Cordialmein envida, *SumvitgViva*

## Uniun da dunnas Rabius

### Finiastras d'advent 2019

1. Schärer Käthy Via Cavivens
2. Saner Fabienne Via Surrein
3. Bearth Georgette Via Surrein
4. Maissen Gieri Via Sutvitg
5. Cajacob Jasmine Via Sutvitg
6. Gadola Sara Via Sutvitg
7. Deplazes Iris Via Surrein
8. Stizun dil Volg Via Sursilvana
9. Baselgia Barbara Ustria «Greina»
10. Bearth Rita cun Debora Via Sursilvana
11. Lutz Gabriela Via Sursilvana
12. Berther Rita Via Tschuppina
13. Venzin Irena Gassetta
14. Bearth Stefania Via Cavivens
15. Maissen Pierina Via Cavivens
16. Giger Regula Scoletta
17. Nwachukwu Iris Via Catat
18. Deplazes Anita Via Catat
19. Bearth Sandra La Gassa
20. Decurtins Janine Chistrisch
21. Vogel Cornelia Caduff
22. Fry Anna Maria Caduff
23. Berther Adelina Casa Cuolm
24. Monn Denise Santeri

**Venderdis, ils 27 da december** allas 18.00 s'entaupa tut tgi che ha plascher si Caduff. Leu entschevein nus la spassegiada e visitein tut las finiastras. Silsunter purschin nus ina caulda suppa e stein da buna cumpignia ensemen sil Plaz Cadruvi, en cass da mal'aura ell'ustria «Greina». Grond engraziament per vies engaschi e sin bien seveser. *Il comite uniun da dunnas*

\*\*\*

### Advent per pensiunai

Preziadas pensiunadas, prezias pensiunai da Rabius

L'uniun da dunnas envida tuts pensiunai ad in suentermiezdi d'advent. Aschia haveis Vus la pussevildad da passentar ensemen in pèr bialas uras e guder in bien dessert cun caffè.

Datum: **6-12-2019**

Liug: «Hotel Greina», Rabius

Uras: 13.30–ca.16.30

Annunzias a bucca ni per telefon prendan bugen encunter tochen ils 30.11.2019:

Baselgia Barbara: 076 372 28 05

Casanova Renata: 078 635 30 37

Ei fagess a nus grond plascher dad era saver beneventar Vus quei di. En num dall'uniun da dunnas *Il comite*